

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

galaad ist flüchtig von effraim. vnd wonet in dem mitt effraim vñ manasse. Vnd die galaaditer bekümmerten die furt des iordans. Durch die effraim was widerkerend. Vnd da eyner was kumen von der zal effraim. vnd floh zu in. vnd het gesagt. Ich bit. dz ir mich lasset vbergeen. Die galaaditer sprachen zu im. Bistu ein effraimter Da er antwort. Ich bin keiner. Sye fragten in Darumb sprich Seboleth. Das wirdt außgelegt. eher. Er antwort tebboloth. er mocht mit aussprechen de selben buchstaben. eher. zuhand begriffen sy in. vnd wurgten in. in de vbergang des iordans. Vnd sy erschlugen in der zeyt von effraim. xliij. tausend. Vnd iepthe der galaaditer vrtylet israhel sechs iar. vnd starb. vñ ward begraben in seiner stat galaad. Nach disem vrtylet israhel. abessan. von bethleem. d het dreyssig sun. vnd alsuil tochter. Dise lieh er auß vnd gab yne man. vñ nach der selben zal nam er weiber seinen sinen. vnd füret sye ein in sein haus. Der vrtylet israhel siben iar. vñ starb. vñ ward begraben in bethleem. Disem nachuolget abisalon der zabalomiter. vnd der vrtylet israhel zehen iar. vnd starb vnd ward begraben in zabalon. Nach disez vrtylet israhel. abdon. der sun helles der pharatomiter. der het viertzig sun. vñ dreyssig auß yne enicklein. Die stigen auff siben tzig fülh der eplin. vnd er vrtylet israhel acht iar. vnd starb vnd ward begraben in pharaton des landes effraim an dem berg amelech.

Das. XIII. Capitel. wie

sampson geboren ward von einem weyb die vnfruchtper was. vnd wie ir geoffenbaret ward. wie sy sich vnd das kind halten solt.

UND widerumb tette die sun israhel das vbel in dem angesicht des herren. er antwort sye in dye hend der philistiner viertzig iar. Vñ ein mann was von saraa. vñ von de stam dan. mit name manue. der het ein vnperhafftige hauffrawen. vnd der engel des herren erschyn ir. vnd sprach zu ir. Du bist vnperhafftig. vñ on sun. Aber du wirst empfangen vñ geperen einen sun. Darub hit dz du mit trinckest weyn. noch saur getranck. noch ysse keyn vnreyn ding. wan dz wirdst empfangen vnd geperen eine sun. Des haubt nicht rure das schermesser. wan er wirdt ein gesegeter gottes von seiner kintheyt. vñ von de leyb der muter. vñ wirdt anfaßen zuerlösen israhel von der hande

der philistiner. Da sye was kumen zu irem man sye sprach zu im. Der mann gottes kam zu mir. vñ het ei englisch angesiht. gar erschrockenlich. Da ich in het gefraget wer er wer. vñ von wanen er wer kumen. vnd mit was namen er wurd genant. er wolt mir es nit sagen. Aber das antwort er. Sih du empfehest vnd gebirst eine sun. Hit das du icht trinckest weyn oder saur tranck vnd werdest gespeyst mit keyner vnreyn speis. Wann das kind wirdt eyn gesegeter gottes. von seiner iugent. vnd von dem leyb der muter. vntz an den tag seines tods. Darumb manue d bett zu dez herren. vnd sprach. O herre ich bitte das. das der mann gottes de du hast gesendet. widerumb kum vnd vns lere was wir sull thun von de kind. dz da soll geboren werde. Vñ der herre erhört das gebett manue. vnd der engel des herren erschyn aber dem weyb. da sye saß an dem acker. Wann manue ir man was mit bey ir. Da sye het gesehen den engel. sye eylet vñ lieff zu irem mann. vnd verkunt im. sagend. Sih der mann ist mir erschynen. den ich vor hab gesehe. Er stund auf. vnd nachuolget dez weyb. vñ kam zu dem mann. vnd sprach zu im. Bistu der da hat geredt zu dem weyb. Vnd er antwort. Ich byns. Manue sprach zu im. Wann wirt erfüllt dein wort. Was wilt du das das kind thu. oder waruor es sich soll behüte. Vnd der engel des herren sprach zu manue. Er sol sich enthalte von allen den dingen die ich geredt hab zu deinem weyb. vnd was ding es da wirdt geboren auß de weyngarten das soll er nit essen. Weyn od saur tranck soll er nit trincken. vnd nichts vnreyns essen. vnd was ich ir hab gebotten. das erfülle das kind vñ behüt das. Vnd manue sprach zu dem engel des herren. Ich bit dich. das du gehellest meinen gebetten. das wir dir bereyten ei kitzlen von den geysen. Der engel antwort im. Ob du mich zwingest. ich yß nit dei brot. Wiltu aber machen eyn gantz opfer. so opfer es dem herren. Vnd manue weht nicht das er woz der engel des herren. Vñ er sprach zu im. Was ist dein nam. das. ob dein rede erfüllet wirt. wir dich eren. Er antwort im. Warub fragestu meinen namen. der da ist wunderlich. Darumb manue nam ein kitzlein von den geysen. vnd dye opfer. Er leget es auff einen stein. vnd opferet es dem herren der da thut die wunder. Vnd er vnd sein weyb sahen es an. Vnd da der flamm des altars aufstigt in den hymel. der engel des